

# HISPANIA NOVA TABVLA



# HISPANIAE NOVA TABULA

Quarta additarum & sexta in ordine.



Hæc tabula continet Hispaniam, quæ terminatur ab ortu mari mediterraneo, ab occasu Oceano occidentali, a meridie fretu Herculeo, quod strictum Zibelterra dicitur, a septentrione Pyrenæis montibus, qui eam à gallia segregant. Hæc regio fuit ab antiquis in tres diuisa partes, in Beticã scilicet, Lusitaniam, & Tarraconam. at nunc Betica tres habet prouincias: Granatam nempe, & eiusdem nominis ciuitatem Andaluziam, & Siuiliam ciuitatem, Extremaduram, & Meridam ciuitatem Augusta Emerita olim. Lusitania duas habet prouincias Portugalliam, & ciuitatem Lisbonam, Oliosipon olim, Galiciam & Compostellum ciuitatem. Tarracona nouem possidet prouincias, Aragonense regnum, & Saragosam ciuitatem, Cæsar augusta dicta olim, Nauarra regnum, & Pampalonam Urbem, Pamplon olim: Cataloniam & Barselonam ciuitatem, Barcinon olim. Bizcaiam, Cantabria olim, & Vilua ciuitatē. Castiliam ueterem, & Burgos ciuitatem, Brauum olim. Castiliam nouam, & Toletum ciuitatem, Leupuscham, & ciuitatem. S. Sebastiani, Easo olim. Valentie regnum, urbemq; valentiam. Murcia regnum, & Murciam ciuitatem. Præter has multæ sunt ciuitates insignes. Fluuij principales. 6. sunt i hispania, Migno, Minius olim, Duerus, Doria olim, Taio Tagus olim. Betis, Guldaquibir hodie. Iberus, Ebronunc, & Guadiana. Episcopales, & Archiepiscopales multæ reperiuntur ciuit. In sula tres subiiciuntur regno Valentie, Ieuiza, Maioricha, & Minoricha. Hispaniam autem, sic esse dictam putant, ab Hispalo eorum rege decimo, quemadmodum à Beto rege, Betica, à Luso rege, Lusitania, & ab Ibero. Iberus fluuius dictus est. Hodie uero floridissima regio est, & multum in rebus bellicis ualet, & in re nautica. Ab Italis inuentus est nouus Orbis, ab eis completè cognitus, et acquisitus, & regi eorum subditus. Lusitani eorum nauigationibus, totam Aphricam, Cæcutum, aliasque insulas minimè notas, cognouerunt. Castellani post primam, secundamque Christophori Columbi Ienuensis Clarissimi nauigationem, & post cognitionem Americæ, ab Americo Vesputio florentino traditam, Occidentem uersus, multas alias inuenerunt regiones, insulasq;: & ut uno verbo dicam, totum fere circuerunt orbem. Traiectio ad occidentalem partem a castellanis, fit ab insula Caliz. Lusitani à multis Lusitaniæ partibus iter solunt Aphricam uersus. Latitudo Hispaniæ à 36. usq; ad 45. gradus fere se extendit, scilicet 9. gradus est. longitudo a 4. gradibus ad. 19. fere scilicet 15. quasi gradus est. & hoc secundum neutericam obseruationem: aliter enim se habet antiqua longitudo.

HISPANIA.  
RUSCELLI - 1562

Composed in London  
Ma. H. G. GIBSON in 20/5/96

for £ 36.00 = 8.500/100

7

